



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Komunikadu Imprensa**  
**21 Maiu 2021**  
**Parlamentu Nasionál**

**JSMP husu ba deputadu sira atu kontribui ba prevene no kombate  
korrupsaun liuhusi kolabora ho prosesu justisa**

Parlamentu Nasionál iha 17 Maiu 2021, liuhusi reuniaun plenária Parlamentu Nasionál halo levantamentu imunidade ba deputada Maria Anabela Sávio, bazeia ba pedidu Tribunál Distritál Dili (TDD) hodi ba tuir prosesu julgamentu ba kazu krime pekulatu.

Relasiona ho kestaun ne'e, distinta deputada Olinda Guterres nu'udar Prezidente Bankada Parlamentár KHUNTO halo deklarasaun iha plenaria hodi husu ba deputadu sira seluk atu vota kontra pedidu ne'e bainhira Meza Parlamentu submete pedidu ne'e ba votasaun. Deputada ne'e mós husu ba Meza Parlamentu atu lalika submete pedidu ne'e ba votasaun hodi dada filafali pedidu tribunál nian ne'e no konsidera ne'e la loos hodi sujere ba Meza atu devolve filafali de'it osan ne'ebé fõ prejuizu ba Estadu. Alende ne'e, deputada ne'e kestiona tribunál nia serbisu hodi hateten katak tribunál la imparsiál.

“Deputadu sira nu'udar representante povu iha devér atu kontribui ba prevene no kombate korrupsaun hodi salvaguarda osan povu nian liuhusi kolaborasaun ne'ebé di'ak ho prosesu justisa. Tanba ne'e, deklarasaun Prezidente Bankada KHUNTO nian, tuir JSMP nia haree la hatudu vontade di'ak hodi kontribui ba prevene no kombate korrupsaun iha Timor-Leste”, dehan Diretora Ezekutiva JSMP, Ana Paula Marçal.

Mezmu nune'e, JSMP apresia aas tebes Parlamentu Nasionál, partikularmente deputadu sira ne'ebé fõ sira nia votu afavór ba levantamentu ka suspensaun imunidade ne'e. Ida ne'e nu'udar meu ida ne'ebé di'ak atu kontribui ba aselera prosesu julgamentu sira iha tribunál, partikularmente ba kazu korrupsaun.

Rua Beco Lakateu, Aldeia Manufuik,  
Suku Colmera, Administrativu Vera Cruz  
Dili Timor Leste  
PoBox: 275  
Telefone: 3323883 | 77040735  
[www.jsmp.tl](http://www.jsmp.tl)  
[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

Kazu ne'e, Ministériu Públiku akuza ho krime pekulatu ne'ebé previstu iha Artigu 295 Kódigu Penál kona-ba pekulatu ho Númeru Prosesu : NUC 0006/19.CATL.

Rezultadu votasaun ba rezolusaun suspensaun imunidade distinta deputada Maria Anabela Sávio pasa ho votu afavór 50, kontra 3, absteinsaun 1, votu branku 1 no nulu 1.

Atu hetan informasaun liutan favór kontaktu:

Ana Paula Marçal  
Diretora Ezekutiva JSMP  
Diresaun e-mail: [ana@jsmp.tl](mailto:ana@jsmp.tl)  
Website: <http://jsmp.tl>  
[www.jsmp.tl](http://www.jsmp.tl)

Rua Beco Lakateu, Aldeia Manufuik,  
SakuColmera, Administrativu Vera Cruz  
Dili Timor Leste  
PoBox: 275  
Telephone: 3323883 | 77040735  
[www.jsmp.tl](http://www.jsmp.tl)  
[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl